

黿

峰

集

龍峰集卷之二十一

閩中徐勳興公著

七言律詩

己未元日

條風吹暖入新年
漂泊孤身蠶水邊
百歲光陰剛一半
七閩途路隔三千
不飲估客錢刀樂
且結詞人筆硯緣
踏遍匡廬青萬疊
從容歸咏卜居篇

初春二日同彭雲徵朱夢得夷庚仲韶集

安仁池上居同用初字

駘蕩韶光獻歲初
安仁偏稱賦閒居
砌開萱葉今朝再
盤進椒花信宿餘
鄰院風傳窓外磬
小山雲護枕中書
何堪設醴頻留客
日向朱門曳短裾

錢柱宮訪秦伯起比部

執法當年署爽鳩
却因多病賦宜休
身忘錦帳郎官貴
夢逐朱簾帝子游
獨坐倍添羈旅思
相逢同說異鄉愁
龍沙故是神仙窟
大藥從容可

易求

酬用升宗族

江右詞壇自白眉到來方得讀君詩百年派衍
真龍種七步才高繡虎詞結社每招諸弟集開
尊常與故人期草堂築就東湖上吟罷桃花水
漲時

春日訪堅白宗族菜邁園

晝長無事閉朱扉十頃池光漾釣磯柳浪風柔
鶯乍嘯菜邁烟暖蝶爭飛宰官每乞銀鈎字少

婦能歌金縷衣爾祖家聲真不忝陽春孤調和
人稀

初春五日集安仁仲韶古香堂看新月同
幼明康侯夢得敬叔分韻

春宵吟嘯意俱閒矯首同看月一彎薄暈斜侵
書幌外新痕微射酒杯間破將鸞鏡分秋水畫
得蛾眉闌遠山不必空中金粟下蒲庭叢桂自
堪攀

人日孔陽宗侯招飲邸第觀前代名賢墨

蹟

江國春回凍盡消西園飛蓋緒風飄文章上下
論當代書畫神奇賞歷朝堦下堯冀開七葉門
前陶柳苗千條穆生酒量同涓滴慚負王家設
醴招

穀日堅白王孫招同秦伯起比部鄧玉笈
別駕彭雲徵黃沾之文學幼晉景叔景
周諸昆季集自性庵分得開字

寂寂禪扉閉綠苔佳辰迎客獨先開晴占穀日

熹微到春送花風次第來躡屐共尋林下語
枰爭擅鄴中才畱歡一任投車轄坐聽殘鐘未
擬回

幼晉游麻姑山携神功泉釀酒壽其尊人

孔陽翁索賦致祝

名山高陟訪麻姑親舍雲邊望有無引得神泉
來洞府釀成天酒出仙廚堪娛曼倩三千歲盡
吸方平十二壺養比南陔渾得醉不須鳩杖掛
青蚨

送鄧玉笈赴大理別駕兼寄謝在杭叅藩
種蒲河陽一縣桃官閒兼得領風騷西江舊友
愁分劍南詔蠻童看佩刀筆陣細鈎飛白古郡
齋遙瞰點蒼高欲聞謝朓驚人句正在滇池擁
節旄

兩夜張易胥喻叔虞安仁仲韶過上藍僧
舍同用鐘字

寥落空門暫寄蹤故人寒夜每過從半枝剪盡
西窓燭數杵聽殘上界鐘對坐總多今夕話相

看同改昔年容願君莫靳頗來往江海茫茫不
易逢

雨中余潛穎送酒兼侑以詩賦答

江國春回未放晴雨中送酒見深情敢云痛飲
稱名士頗啖消愁有曲生白獸尊前拈重碧黃
鸝枝上聽此聲多君不淺王弘意詩擬柴桑愧
未成

元夕新晴鬱儀宗侯招集城書齋同廖季
符明府姚園客喻叔虞并宗弟用升康

族共限飛字

積雨連朝客到稀晴來賓至卽知歸令嚴觴政
浮三雅坐擁書城密四圍新柳漸抽金縷動殘
梅猶作玉鱗飛正逢初試燈輪夕不讓中天月
色輝

元夕履直宗族招宴賞燈同宣仲叔虞季
布鬱儀幼晉幼明安仁共限風字

試得春燈宴賞同畫堂羅列九枝紅爭看火樹
黃龍噴肯放金尊綠蟻空淡月照屏籠紫霧暗

塵穿牖逐香風
侯家此夕青烟散
不數星橋駕彩虹

灌嬰城

古城曾築穎陰侯
粉堞連雲控上游
烟火直通千萬井
封疆雄鎮十三州
山形北拱匡廬秀
水勢西來蠡澤浮
天末夕陽臨睥睨
亂鴉猶噪漢時秋

徐孺子墓

炎祚將衰漢鼎移
木顛非是一繩維
常懷絮酒

酬知意不赴蒲輪就辟期
白社風號松謖謖青
郊烟羃草離離
行人屢下墳前馬
細讀開元數
尺碑

梅嶺

仙源遙望路微茫
五粒松高鶴夢長
曾上諫書
通北關寧辭卑秩尉南昌
雲邊翠巘栖真宅
爐裏丹砂不死方
雞犬無聲塵境別
古壇烟樹暮
蒼蒼

錢柱宮

旌陽遺蹟表洪都寶劍聲飛響
龍輶千歲蛟精銜缺鎖九天龍
女衛丹爐西山尚記昇真宅南
國爭傳呪水符崇祀累朝虔重
典宮門紅日耀金鋪

滕王閣

飛閣岩巒俯夕陽千秋故郡說
南昌西來山色青蓮臺東去江
流白練長月下鳴鑾唐帝子天
朝駐蹕我高皇家君作宰名區
日童稚曾遊四十霜

寫韻軒

仙史樓居不啟關宿緣未盡謫塵寰臨池有意
濡殘墨對鏡無心畫遠山雙舛何年歸漢表四
聲從此布人間瑤縮彤管俱零落猶聽香風送
珮環

龍沙

灌嬰城北夕陽邊一片平沙起暮烟山出厭原
青繞郭江迴章水白連天鐘鳴佛地三千界識
合玄都八百仙不見襄陽耆舊在空餘秋色掛

帆前

東湖

平湖渺渺鏡波澄
花落芳洲暮靄凝
紫葍香中迴雀舫
綠楊陰裡掛魚罾
春風橋路橫千尺
明月樓臺露幾層
蘇圃徐亭題咏遍
一杯誰把吊來鵬

陳陶宅

當年避地隱洪州
宅傍西山址尚留
巫峽夢虛唐處士
金陵書絕宋齊丘
鳳麟豈入皇家網
猿

鶴空啼故壘秋拍手洪崖歸去後蒲溪花落水
爭流

蘇雲卿祠

宋社南遷國事崩逝名寧受故人徵門前騶從
函書幣天際鴻冥離繳燭捆屨何心師許子濯
園非愛學於陵古祠近對東湖水過客焚香幾
度登

春日彭次嘉招遊建安王園林

律轉青陽淑氣催條風吹煖入蘭臺柳邊朱楯

千尋出花裏雕窓八面開黃鶴閒依珠樹立紫
鴛爭戲鏡波迴不緣帝室聯輝者誰引梁園賦
客來

過孝穆綠天館題贈

掃軌深栖度歲年書籤藥裹有清緣誰知名邸
賢王後肯學長齋繡佛前名色浮香應勝雪蕉
陰凝綠不分天傳家各擅楊雲賦惟有童烏可
授玄

題竹林社贈希舉彥成二王孫

公姓振振蒲豫章才名相亞是詞場懸來帶乳
黃金色焚却羅囊紫佩香桂蒲山中同作魃竹
深林下共飛觴一門雍睦苟陳比占得星文夜
夜光

希舉彥成二宗族招飲竹林社同堅白安
仁分得申字

邀賓把臂入林中任達真成晉代風人比籍咸
元並美詩如顏謝總推工幾番暮雨生花塢半
榭流雲傍桂叢偏是侯門能愛客不教高會酒

尊空

訪希之宗族清曠樓以詩見贈次韻奉答
識君曾憶十年時今日重逢始問奇
開徑祇尋雲作伴登樓常與月爲期
隔城松色當書案傍水楊花撲酒卮
客到恍疑仙子宅枕中鴻寶幾人知

禹錫文翰彥叔誠甫藩甫辟彊諸宗族招
飲同張魯叟比部分得才字

一帆風送大江來正值龍光舊社開
謝氏池塘

爭得句魏家藩鎮定多才萬花影裏傳銀燭百
鳥聲中引玉杯夜冷忽看微霰集當筵授簡愧
鄒枚

南州逢廖季符明府

逆旅相逢意倍親花開同見異鄉春謗成意苒
囊無物貧比菜蕪饑有塵章水晴雲邀染翰灌
城芳艸送征輪棲遲莫怨長沙謫漢室將因問
鬼神

貽姚園客

故人同調復同鄉無意相逢客路傍暫喜分題
供眺詠豈堪對酒問行藏舊遊却憶三山月近
况空驚兩鬢霜萍梗浮踪俱不定後期難卜在
何方

壽仍祖王孫五十

一門驃騎列朱纓不減何家第五名問歲始符
遽伯玉校書元學漢更生佳兒膝下斟龍掌上
客堂前吸鳳笙此夜試看牛斗宿還占星彩映
長庚

別晴所宗族

天潢龍種適名藩
眼底看君意氣存
花木一庭如鄭圃
笙歌滿院比梁園
承恩早繫黃金帶
愛客常開白玉尊
南浦相逢卽相別
萋萋芳草憶王孫

寄李玉赤參戎惠州

腰間寶劍淬霜鋒
嶺海安危係折衝
幕下蓮花招客宴
營前楊柳肅軍容
戟門廣列黃龍陣
鈴閣遙看白鶴峰
我別羅浮逾十載
梅林還憶舊

游蹤

留別彭雲徵

長游不道出無車千里閩天望故廬
懷友豈堪當別後識君猶記在春初
愁深彩鷁晴波外夢繞珠簾暮雨餘
楚水鯉魚長尺半可能相托爲傳書

敬叔季友茂深招集燃藜閣看垂絲海棠
同澤弘孝穆安仁分韻

朱闌十二暮堪憑春半花明暖氣蒸
窮窅暢中

牽絳縷參差宮裡剪紅綾阿環欲睡嬌無力飛
燕迴風弱不勝入夜借將藜火照何須乘醉更
移燈

題敬叔王孫燃藜閣

一時帝胃集西江兄弟齊鳴孰肯降名在何家
稱第五才如劉向本無雙懶調玉軫閒懸壁倦
理瑤編散滿窓入夜杖頭光太乙閣中休用蕤
銀缸

題辟疆王孫洪厓讀書處

厭原山下卜幽居花繞軒窓竹繞廬路接洪厓
堪采藥洞虛天寶足藏書先王埋劍雲深處仙
史吹簫月上初朱邸紛華應不戀且拚生計在
樵漁

春日辟彊王孫招飲驪珠堂分得樓字

辟彊園裏足清幽正值春明約客遊細草疊裍
初貼地垂楊飄縷半遮樓姓同麟趾元稱貴句
探驪珠不易酬十斛醇醪蒲林月陶然拚作醉
鄉侯

齊雲王孫自山居貽詩見贈賦答

有刻鵠集

別族朱郎佩鳴珂君獨幽栖在澗阿得句何妨
工刻鵠乞書元不厭籠鵝閒居興味知人少當
世才名孰仲多咫尺青山孤識面南州猶似未
曾過

贈朱夢得茂才

不承章服列華纓身曳儒衣更有聲直說共推
劉子政傳經爭拜鄭康成撞烟自信能如父擲
燭何曾更避兄會見治安條上策漢廷名重洛

陽生

答贈朱伯隄兼呈貢父

有雄飛集

侯門裘馬聞輕肥君獨爲儒祗布衣
聖王渥恩方席聘丈夫雲路待雄飛
孤燈夜雨開黃卷半榻春風坐翠微
鴻鴈聯翩霄漢上笑人華髮老朱扉

出南州康侯王孫將遊吳賦此爲別

我方驅馬出洪都若亦揚帆遠適吳
歸客鄉心懷荔子王孫離恨繞蘼蕪
堂前風暖春游鹿橋

畔霜寒夜聽烏變得姓名居廡下梁鴻曾已寓
姑蘇

陳士業招集齋頭賦別

片言相合卽知心流水何期遇賞音年少果能
開萬卷才高寧但美雙金頗斟玉斝春愁減坐
剪銀燈夜話深乍喜朋簪今正盍魂消南浦又
分襟

浴室寺訪道冲上人

破衲脩然髮亂蓬日揮譚麈闡宗風鳩摩羅什

箋經處道一禪師浴室中定後獨臨秋水淨講
餘遙對暮山空不知孤鶴閒雲跡何日能飛越
海東

題澤弘王孫碧鮮亭

露滴叢梢濕粉痕此君瀟洒立淇園影搖瑣碎
斜陽薄聲憂琳琅夜雨繁阮氏林邊環稚子侯
家堦下列龍孫春風掩映簾櫳碧勾引王猷目
到門

留別仲韶王孫

花萼樓頭秀兩枝還聞仲氏更吹簫客中對酒
初歡洽江上逢春又別離投贈莫寥蘭九畹繫
愁難借柳千絲憶君望斷他鄉日但看王維畫
裏詩

贈時卿王孫

時著古史記初成

兀坐長凝蒲席塵閉門寧與世相親閣中火照
青藜舊鏡裏霜飛白髮新修史却嗤羅泌淺藏
書還咲鄴侯貧于今海內推宏博眼底何曾見
此人

總持寺訪庸道人戲贈

浪游踪跡滿江湖嘯傲乾坤七尺軀作畫作詩
還作字非僧非道亦非儒柳邊夜月琴三弄花
下春風酒一壺飄笠飄然隨所適好尋山水到
閩都

大宗王孫招飲不克赴以詩見贈賦答

閒扶鳩杖老明時甲子重過髻未絲舊著學仙
鴻烈解新傳修禊鴈湖詩王侯曹氏推雄長兄
弟岑家雅好奇可柰相逢卽相別未能華宴接

蘭皮

送淳公之羅浮兼訪李叅戎

乍辭匡嶽別鄉園
駐錫閒聽五嶺猿
夜月經行桐袖影
春郊踏遍草鞋痕
數聲吉了雲邊寺
千樹梅花夢裏村
當世宰官身已現
必留玉帶鎮山門

別張易胥次韻

掛帆日日弄歸程
無數江花逐浪生
兩月追隨方適意
中年離別更關情
迢迢故國雲千里
黯

淡新愁雨滿城春水綠波春草碧
忍聽南浦斷腸聲

別孝穆次韻

授簡分題事已賒片帆高掛夕陽斜
春波南浦人傷別寒食東風客憶家
夢隔三千餘里路
竟消二十四番花
傳書莫信雙魚腹
蠹水茫茫未有涯

別安仁次韻

交深那忍卽分離
數日僮迴策馬遲
無限叮嚀

留戀語再三吟諷倡酬詩魂消梁苑看花候情
重章臺折柳時湯道相思能命駕幾人千里遠
如期

張易胥俞季布朱孝穆敬叔安仁仲韶茂
深長庚餞別江樓分得林字

同折垂楊萬縷金豈知悽愴在江潯楚雲不比
愁魂黯章水何如別恨深香草叢邊維去鷁落
花枝上怨離禽諸賢異日重開社把臂誰人共
入林

出章江阻風不得發長庚王孫招飲江上

樓賦詩見送次韻奉答

臨岐握手總多情且駐蘭橈未忍行
喜接樓中良宴會厭聞江上榜歌聲
游踪欲作浮萍散離思真隨亂草生
多謝石尤風正起一尊堪對故人傾

黃聚垣招飲公署因談薛衷篤陳元凱魏
誠甫鄭承武謝耳伯康元龍諸故友感
而有作

漂泊江湖愧問津
留連杯酒見情真
從來舊國知名久
不道天涯識面新
口腹敢爲安邑累
笑譚彌覺故鄉親
酒闌忽感升沉事
半是山陽笛裏人

謁舒文節先生祠

栖賢山色碧嶙峋
江岳鍾英第一人
三策傳臚才倚馬
兩朝抗疏手批鱗
歲時特薦溪花早
雨露新培廟木春
不獨今朝興仰止
又瞻胎嚳在甌閩

答雲西宗族

寶玦珊瑚佩子侯詩名老去冠南州鄉閭共表
謙光德湖海曾經汗漫遊雪滿西園人授簡風
高南浦客乘舟蒼茫雲樹空回首車水無情日
夜流

贈茂深王孫

小阮聲名重一時清狂常赴竹林期宓妃入夢
顏留枕王粲當筵每覆棊薄祿豈堪多結客少
年偏自苦攻詩不知其父知其子鶴在鷄群有

異姿

宿梅子庾廬家邊新居

建武城東暫泊舟，尋君歷壑更經丘。
山如梅谷常窓出，水接麻源繞舍流。
寄宿何須携襪，被留賓寧免典衣。
裘移居近卜廬家巷，不忝佳人字莫愁。

游從姑山同梅子庾游勿輟作

渡水尋真策短筇，巋然林表露諸峰。
蒼苔古道頻穿竹，碧玉飛樓半倚松。
石隙天光通一線，洞

中雲影宿千重
名山信是初來好
坐到斜陽處
處鐘

歷盡層岡歇復行
茸茸細草踏還生
空中鐸立
圭千尺
厓下泉流玉
一泓
道院小
厖驕吠影齋
壇馴鳥倦啼聲
遙看金碧王宮麗
彷彿仙家十
二城

訪游勿馬留宿鶴林館話別

客路春光變柳條
相逢同歎斷蓬飄
騷壇筆硯
交三世
道院燈檠話
半宵
彌子餘桃香可啖
淮

王叢桂隱堪招麻源一別空回首夢裏尋君度

石橋

勿帶青衣
甚麗故及之

游麻姑山

天際群峰挿漢青舊傳此地集仙靈龍鱗松老
唐朝榦螭首碑亡魯國銘九轉丹光雲外見半
空珮响月中聽霓旌羽蓋虛無裏彷彿如聞降
蔡經

碧雲深處有仙壇翠磴摩空五百盤
惟石亂蹲蒼兕吼飛流雙掛玉龍蟠
芝生洞府珊瑚紫酒

釀神泉瑪瑙寒多少遺民山頂住居然不識漢
衣冠

偶宿游勿弔鶴林館肇郭宗侯見訪夜談
躡屩來遊華子岡逢君相對坐燈光天潢自貴
卿同姓地主偏親客異鄉鶴院名花皆錦繡免
園新草盡琳瑯聞雲咫尺連盱水莫道蒹葭恨
一方

寄崔徵仲孝廉讀禮山中

麻衣如雪掃新墳且向家山卧白雲二仲屢聲

三徑人兩童峯色半樓分蘭生謝麝香堪挹楓
落吳江句每開好待慈恩題姓字榜開龍虎首
崔群

題陳道掌嘯閣

層層傑閣俯長河永日登臨獻也歌握管每成
才子賦考槃寧羨碩人邁雲移山色當窓近月
送潮聲拍岸多不必登臺同阮籍鸞音彷彿在
烟蘿

暮春晦前三日倪獻子交蔭軒新成招集

同用風字

軒窓開向綠陰中
簪浦泉流繞舍東
天氣漸催梅子雨
韶華先盡棟花風
新巢慶燕泥沾壘
初買臯禽雪在籠
預識春光將別我
淹留寧厭苦吟功

題東方朔圖

避世全身漢殿中
帝恩偏召滑稽雄
林間恠樹知瞿所
孟下靈蟲射守宮
獨辨昆明灰土黑
屢偷瑤圃玉桃紅
公車枉奏三千牘
今古惟傳客

難工

新竹

新綠亭亭長露梢
拂簷初聽玉聲敲
淚痕泣雨猶霑粉
勁節凌空始脫苞
根淺且看龍乍蟄
林深還待鳳來巢
成陰漸可供名飲
躡屐林中翠影交

送陳長文謁選赴京

年少書生早棄繻
新承袍笏入皇都
灞亭楊柳驕嘶騎
渥水桃花汗血駒
萬里帝居瞻象魏
一

官蠻府咏嬾閑不知燕市行歌日誰是荆高舊
酒徒

送陳道掌游吳越

閉戶頻年苦讀書遠遊今始命征車六朝佳麗
關情久兩浙繁華入眼初裝薄誰能憐主父賦
成何自薦相如歸期莫後南來雁堂北慈顏暮
倚閭

送吳中翰給假歸新安省墓

八磚花鬢日光遲正是螭頭侍直時麻詔偶辭

中秘草松楸歸掃比卽枝絲綸寵賁新安里琬
琬光題有道碑情比子牟深戀闕承恩還集鳳
皇池

汪烈婦挽詞

烈婦休寧汪懋賢太學之女閩邑丞程逢明
仲子耀如之妻耀如歸新安應試卒于京口
烈婦聞訃遂絕食七日不死伺姑起梳洗取
帶繫頸以死年僅二十也

藁砧身命燼風燈烈婦肝腸一片冰天上玉樓

催賦急閨中珠淚哭城崩雉經誓死繯投羣鳳
偶分飛鏡破菱會見鴛鴦栖墓木兩枝連理類
韓憑

鼓山湧泉寺重興志喜呈曹能始觀察

古刹灰殘八十年開林重結大因緣移將廢礎
披青草濬得荒池種白蓮法祖昔傳興聖箭宰
官爭施給孤錢先朝名勝看依舊石竇涓涓湧
王泉

寄答張士原

驚聞杜宇咽殘春。惆悵江樓別故人。章水晚烟寒佩劍，灌城朝雨濕衣巾。仲宣漂泊萍蹤遠，張緒風流柳態新。花滿亂山紅躑躅，落英吹上馬蹄塵。

寄張祥通

扁舟風雨峴山阿。十五年中一夢過。共嘆老來悲子喪，却憐窮甚著書多。幾時雞黍尋元伯，終歲漁簑釣志和。瑟瑟蘋花千里月，相思無柰隔烟波。

初度日叔度以詩見贈次答

不必營糟老一丘
壽筵良醞啟青州
枌榆正喜頻修社
蒲柳還驚漸望秋
五岳尋真違向子
半生皈佛學裴休
流光不覺蹉跎去
從此期君秉燭遊

初度日答徐維翰

著書空歎老虞卿
半世窮愁負此生
秋早忽驚催節候
年衰真覺減聰明
漫言星映懸弧影
且聽風傳擊鉢聲
誰道漸於詩律細
愧無佳句報

宗盟

初度日答徐叔亨

桃笙石枕夢膏騰，小技無心學鑊冰。
半世但應盟水石，九如焉用祝岡陵。
鼎中火在丹猶伏，頭上秋來白漸增。
愧說知非當此日，蹉跎歲月有何能。

喜秋

天上初逢大火流，可人情況是新秋。
風生正好拋書卧，暑退偏宜却蓋游。
爽氣幾番來北牖，涼

聲一夜蒲西樓寒蟬抱葉吟新露獨立斜陽聽
未休

陪葉相公登羅星山次韻

天塹中分海色遙山蟠鰲柱卓金標江花逐浪
紅俱亂岬草沾泥綠半焦濟險王臣方蹇蹇涉
川舟子故招招地維裂處稱雄鎮強弩何須更
射潮

羅星東障海門遙湧出層層窄堵標一水拖藍
江影濶衆山如赭燒痕焦仙同郭泰舟中見客

是孫弘閣下招此日擎天看砥柱平流處經任
風潮

聞遼事四首

遼陽日夜羽書飛出塞孤軍屢潰圍鐵嶺一時
捐虜勢金吾萬里赴戎機王師日衆資糧乏宛
馬秋高苜蓿肥憂患誰知生肘腋連天烽火照
京畿

奴酋警急蠟書頻大將捐軀沒虜塵祇報外夷
雄甲盾不聞內帑發金銀開元叛卒歌時雨遼

水殘兵哭夜燐
世事艱危堪涕淚
白頭難作太平民

長驅胡騎犯天朝
東北連年虜氣驕
女直最能窺間諜
男兒誰解掃氛妖
徒聞赤羽愁多壘
未見朱干格有苗
薄海瘡痍今正困
豈堪增賦重征徭

建夷互市頓渝盟
坐困孤危十二城
四海無從徵宿將
九邊誰肯借精兵
空勞星使臨秦堠
直恐天驕拔漢旌
自是禦戎無上策
書生何計請

長纓

九日安蓋卿招集平遠臺

天末商飈起暮林一時能賦盡登臨
烟霞入眼有變幻山水娛人無古今
大石窪尊傳漢制高峰遺刻續唐音
將軍不戲臺前馬但泛萸杯坐嘯吟

送翁三英守合州

年少專城擁節旄驟驪五馬不辭勞
王程遙度銅梁險公案平臨石鏡高
巴峽水迴看一字益

州天遠夢三刀腰間已貴緋魚佩何必絲綸屬
鳳毛

送徐震伯還姑蔑兼懷楊實夫徐汝長

十年爲別費相思夢繞柯山一局棋龍氣雌雄
方合劍馬蹄南北又分岐名園結社元推長浮
石開樽更對誰此日送君懷往事空勞雞黍故
人期

別惟秦次韻

蕭疎齒髮近衰年無柰飄蓬遠入滇路險馳驅

遊子困秋殘離別故人憐萬重關嶺峯連漢子
頃昆池水蕩烟迎葉道場雞足上爲君宗旨問
真傳

別潘從參次韻

行李辭家思轉添驚聞僕御報郵籤霜飛故國
人傷別天遠窮陬客戒嚴風土湯愁荒服異歲
華空向旅途淹一丘羨爾田園樂坐對瓜山晝
捲簾

別林叔寶次韻

蕭條秋色滿江皋
瑟瑟西風裂敝袍
爲客路長魂欲斷
懷人天遠首頻搔
匣中嘯雨魚腸在
微外衝霜馬足勞
自笑江郎才已盡
題詩無復夢雙毫

別劉世熙次韻

孤身迢遞出閩關
歷盡羊腸險阻間
路繞天邊程莫計
嶺高雲表磴難攀
故園泉石牽歸夢
逆旅風塵損壯顏
別後莫令詩社散
共誰沉醉九

仙山

答王爾誨次韻

千林楓葉着霜丹，萬里西風兩鬢寒。
短缺無心歌去住，尺書何處報平安。
楚天涼雨孤舟聽，滇地晴雲五色看。
隴上梅花堪折贈，一枝路遠寄君難。

海寇袁進橫行有年，開府王公諭以威德，
投戈歸順。有異志者盡戮之。開府詩以
志喜恭和四章。

桓桓開府建龍旂，元老今看樹壯猷。
漢賊罪難

書竹罄周官詩預傲系謀負嶠猛虎終歸阱跋
扈狂鱗亦上鉤始知止戈真遠計海濱氛祲一
時收

綠林泥首就鋒鏖命讓勛庸勒武岡絕島望風
奔鼠雀雄威指日出豺狼兩階對舞干如舜三
面宏開網似湯會口元萑苻收大盜鄭人歌咏樂
時康

心懷經略輯綏功軍令分明肅海東千隊旌旗
爭耀日一時臺閣頻生風陣橫魚鳥山俱震血

洒鯨鯢水盡紅見說恩威還並濟不徒魏絳善
和戎

海不揚波息戰塵更無黎庶逐黃巾倒戈踴躍
皆輸欵下令從容盡拊循擊壤自今歌帝力銷
兵從此賴皇仁不聞戎馬生郊日處處耕桑處
處春

訪費無學甲秀園話舊

不到名園廿載餘尋君迢遞暫停車病中設榻
猶迎客愁裏含毫更著書浪跡烟雲悲聚散舊

游歲月感居諸情多未忍輕相別携手松林月上初

甲秀園逢圖南王孫遊金華

十年離別換星霜無意相逢客路傍老去漸凋
雙髮色話長難盡一燈光山過夷落尋金馬洞
入仙都訪石羊對面匆匆如夢寐後期未定合
何方

貴溪道中

繞郭平疇古路分柏林病葉醉霜醺山鱗龍虎

真人宅隧走狐狸故相墳徒御群喧爭渡水征
車獨往每衝雲江南十月如春煥溪上蕪薌尚
可聞

臨江至新喻

碧嶂清江野氣涵泥融官路步難堪犢眠淪水
空林北馬度羅溪古驛南田塍對泉漚白苧村
童梯樹採黃柑瀟瀟寒雨孤城暮無數青山起
夕嵐

過少府相府第

曾聞九錫寵先朝
甲第渾渾切絳霄
賓從履綦三殿貴
家僮裘馬五陵驕
玉樓珠墜終成幻
郿塢金多亦盡消
城社向來難久恃
鈴山風雨夜瀟瀟

登宜春臺

漢袁高士有種桃亭

偶爾看山不出城
古臺上與白雲平
踏踐曲徑蒼苔色
聽盡疎林落葉聲
薄靄半遮袁郡暮
夕陽遙接楚天晴
種桃高士歸何處
尚有游人說姓名

宿蘆溪候館次壁間韻

楓樹林梢挂月痕
蘆溪橋北水流渾
路長未得趨前邑
夜靜聊應宿近村
風裂紙窓孤枕冷
霜侵塵壁一燈昏
隣雞屢唱天難曉
斷盡寒宵旅客魂

長沙過賈誼宅

少年放逐歎羈栖
秋草寒林落日低
西去已成秦客論
南遷猶執楚臣圭
鬼神前席中宵聽
鵬鳥承塵午夜啼
故宅淒涼留廢井
千秋誰繼長

卿題

登湘中城樓

獨上高樓望古原，滿城烟靄自朝昏。
江聲東去湘流濶，山勢西來嶽麓尊。
竹暗黃陵堯女廟，蘿香綠岸楚臣魂。
思鄉已是腸堪斷，不待三聲更聽猿。

渡湘江

喚得蘭橈渡水過，隔江山色碧嵯峨。
角吹雉堞殘烟暝，網晒漁村落照多。
估客晝眠驚雪浪，湘

靈秋怨泣雲和閒游不是長沙謫何必投詩吊
汨羅

長至夜宿桃源縣

驅車累月逐風塵節序相催倍愴神蘭芷滿江
悲楚客桃花何處問秦民飛灰渺渺微吹管長
路棲棲獨問津商旅閉關當此際飄然猶作遠
行人

桃源江伯通鍾情詩

伯通應試武昌與狹邪紀姬名紅兒字赤玉

狎姬慕伯通之才委身嫁之姬能詞翰足稱
雙美伯通有鍾情傳海內名士咸咏題焉

武昌無限柳垂絲偶向章臺折一枝樊素自宜
歸白傅羅虵偏解比紅兒楚鄉山色羞眉黛秦
洞桃花妬面脂搗盡玄霜憐赤玉藍橋休道乞
漿遲

桃源蘇老人祠

老人姓蘇氏名彬洪武中奏桃源邑浮糧旨
不下尋再往上疏擊登聞鼓遂自縊鼓下高

皇帝覽疏蠲浮糧二萬餘石民至今賴之萬
曆初邑令鄭天佐爲建老人祠近里人江伯
通爲作塑像記予偶過其地賦此

赴闕捐生擊鼓桴九重黃紙許蠲租至今桃縣
思遺老千載桐鄉祀嗇夫族子傳家收疏草邑
侯醺酒奠生芻碑文借得生花筆不朽芳名賴
董狐

至辰陽得謝在杭書知黔中疾疫盛行苗
蠻阻道因不果入溟却寄在杭二首

鄴亭暫爾駐征鞍驛使傳書立馬看瘴染鬼方
人死盡兵交蠻峒客過難觸藩自笑羸羝角涉
世應慙類鼠肝行遍楚天風雪裏綈袍誰念范
生寒

遠別皆從妄想生畏途誰道不堪行懷鉛已失
依人計解佩應知念母情金馬碧雞惟夢到青
猿白鶴待歸盟空懷五岳平生志從此無心學
向平

辰州新息侯祠

誓死思成百戰功
巍巍遺廟五溪東
踏盡已識
征南將上馬猶誇
矍鑠翁
意茂滂時疑漢帝
藻蘋羞處舞蠻童
丹青不羨雲臺筆
留得銅標萬古雄

自辰陽歸途中作

聞天歸去路程賒
目斷湘雲不見家
西室無從
蒐逸典
辰溪何處覓丹砂
畏途兵革孤身怯
逆旅風霜雨鬢華
屈指刀頭當歲晏
深閨思婦莫長嗟

雪夜訪江伯通小鏡湖留宿書齋同黃岡

王孟侯及卽君茂弘共限羅字

雪花飛點鏡湖波子夜因爲訪戴過堂上故人

初設榻門前廷尉舊張羅

尊人進之先生嘗官廷尉

譚深宵

滯猶嫌短飲劇天寒不厭多踪跡總如萍聚散
相思竟夢隔關河

武陵訪張夢澤郡守

驕嘶五馬擁朱輪沅水湘山處處春良吏蒲鞭
伴漢世部民桃洞轄秦人客登元禮龍門易賦

檀張衡兔頽新神雀政成增秩近可能旌節借
南閩

湘南旅思

窮冬行役度湘臯朔氣寒侵白紵袍永結茅簷
懸作筋雪融泥路滑成膏騎來病馬青鬃禿焚
得枯魚赤尾勞欲寄鄉書何處達楚天空濶鴈
行高

袁江旅懷

雨雪風霜煉客身扁舟殘歲宿江濱
妄思未了

肝腸事屢夢先亡骨肉親漁舍荒涼方別楚蠟
房甘脆故思閩綿繇遠道空歸去誰拂征衣一
片塵

過豫章吊孔陽宗族并唁幼晉幼明

西園歡讌在春初白馬來奔又歲除故第風淒
新總帳高樓塵網舊芸書龍蛇值運賢當厄雞
犬成仙事已虛况有承家雙鳳在小山猶未桂
叢疎

康族王孫以詩見壽次韻答之

共說後生真可畏我今五十愧無聞義輪不覺
催紅日盧枕惟應卧白雲曹植文佳元自得劉
安丹熟與誰分書來更授長生訣難寄瓊瑤一
報君

己未除夕盱江舟次

獨夜扁舟野水傍旅途淹忽度韶光故園正是
歡娛夕令節難禁寂寞鄉回首舊游驚歲月梳
頭衰鬢怯風霜年當衣帛翻無褐歸種門前五
畝桑

庚申元日

元日漂蓬客異鄉半生誰爲卜行藏空過伯玉
知非歲難覓千金不老方蘭佩何心吟楚澤杞
憂無計策遼陽家山在望歸應近竹戶風吹茗
椀香

游壽昌寺

寺爲無明禪師重
興靈塔卽在東堂

寶刹重興石峽傍日搖金碧轉輝煌堂標了悟
真僧塔殿表光明古佛場檜栢繞山流翠影旃
檀入室送空香禮經緇衲三千衆共祝今皇

應壽昌

樵川感舊

年少曾爲此地遊，俄然三十度春秋。
昔交好友皆黃土，舊狎嬖童亦白頭。
西塔緣何重躡屐，北橋不擬又維舟。
謝仙底事嗟殘火，寥落鍾聲出石樓。

與滄溟上人同入滇行至辰陽而返賦此
爲贈

朝行聯轡暮同眠，歷盡風霜到楚天。
切得四聲

聞舌相叅將半偈悟心禪公侯世胄憑誰識支
許交情老更堅閩地山川堪駐錫願師相伴度
餘年

送鄧汝實應貢之京

身上儒衣脫子衿大廷入貢比南金便便腴腹
饒邊笥鬱鬱奇材美鄧林客路花香吹櫂遠御
河柳汁染衣深治安素抱匡時策何計能消虜
騎侵

送吳汝鳴游太學兼懷令兄子瑞

折得新楊一縷烟
贈君聊當遠遊鞭
過庭早授詩三百
爲客初經路八千
臺上黃金收駿骨
斗間紫氣識龍淵
中原此日推詞賦
入洛機雲總少年

春分日高景倩齋中賦鼓山新茶同春字
花信催風始半春
品茶佳會得佳辰
清談共是人來故
活火偏宜鼎取新
山僻栽培元有法
客稀斟酌亂無巡
閒來細說東岡子
更把遺經曲案陳

送江如見以工部左遷赴京

讒口休嗟貝錦成孤臣戀闕就王程
徙戎著論推江統憂國投閒竄賈生
妬極蛾眉終見寵勞深魴尾漫云頰
玉環有待明君賜莫擬離騷怨
杜蘅

暮春湖上社集安蓋卿招同張維誠明府

共限平字

樓臺雲際綯飛甍湖上牽芳共有情
柳展黛眉呈舞態鶯調巧舌代歌聲
木蘭曳雨微波動葭

焚搖風遠嘶平花落春城宵不閉金吾留客待
詩成

春日集王求啟督學亦園同諸子分韻得

通字

宦成何異布衣窮猶住南山一畝宮不速三人
高座客但留五尺應門童銜杯故徙花陰裏散
帙偏尋柳影中見說河汾多弟子從來經術重
王通

王玉生康仙客招同張維誠社集薛氏西

園共限池字

十畝林塘類漢陂
畫橋朱檻映清漪
星文正合真人氣
風候先占少女時
綠蟻浮尊光潋灩
玄禽歸社影差池
平隄草色東風軟
不厭春遊步履遲

送道掌之聊城省伯父

一尊相對惜春殘
僕御頻催飾馬鞍
城望魯連燕射箭
地過樂布漢封壇
到時濠上看垂釣
別後河干憶伐檀
月滿哦松公署裏
特陳珍饌出

銅盤

暮春陳子行携酒過謝氏鐘瀾閣因觀前

朝墨蹟分韻

榆莢催春雨滿堦芳園載酒試青鞋門閤宛比

烏衣巷書畫渾疑寶晉齋南詔遠離勞夢寐

時在

杭叅藩
澳中

東方嘉話雜詼諧微吟徙倚朱闌暮無

數山光盡入懷

穀雨日邀四明李子述集綠玉齋同叔度

景倩孟磨道掌分得八齊

三徑花深蹋作泥故人來自禹陵西山前蠟屐
登如阮囊裡新詩佩有奚占候雨晴農播穀畱
賓烟起婦蒸藜枝頭戴勝聲初好知是柔柔綠
已齊

送李子述還四明因寄令兄子敏

世路無媒歎嶮巇
匆匆聚首又天涯
忽思堂北
榮萱草不待閩南熟荔枝倒篋更無錢子母防
身空有劍雄雌
還家因寄難兄信
正是池塘得
夢時

耐錢塘沈仲舍見訪次韻

腰間龍劍佩雌雄千里遊閩謁上公蓮社共推
詞客長華門先訪故人窮江湖到處盟鷗易霄
漢聯飛見雁鴻十八娘紅方可啖不妨長醉綺
羅叢

壽陳泰始侍御初度

筵開初度對薰風九節昌陽注酒紅李耳著書
官柱下田文生日節天中信傳東海三青鳥名
重西臺五色驄莫戀湖山堪賦咏周家此日棟

方隆

泰和曾堯臣持其尊人端甫書見訪兼示
百法明門論註龍灣文章賦贈

昔年尊酒對而翁今日高談見阿戎
客越正當桑乍綠游閩偏值荔初紅
大乘妙法傳宗旨入穀雄文有父風
握手匆匆歡未罄尺書何處托秋鴻

六月八日小暑社集平遠臺野意亭納涼
分得十蒸

松間臺榭廢還興百尺春潮散鬱蒸峰變火雲
晴更矗林銜弦月晝先升交深舊雨聞聯騎序
屬薰風見輦鷹涼入北窓堪企脚不須炎熱踏
層冰

送盧惟馨游太學

橋門遊學不知貧衣拂長安市上塵門第故推
盧氏族襟期元忝霍家親萬言致主繩科甲六
義逢人說魯中丘壑雲霄從此判杏園先寄一
枝春

送米彥伯孝廉還楚

耆年名姓薦賢書，氣似龍泉出匣初。
楚國異才知有幾，越山遺蹟吊無諸。
鷗盟結社千秋在，鵬翼搏風萬里餘。
幸舍蒯緱歌不得，片帆歸就武昌魚。

送陳伯良赴四川行都司主帥

年少書生早棄繻，奏名金殿首傳呼。
縣官負弩初經蜀，大將提兵遠渡瀘。
韜略頻看新虎豹，旌尾鎮古魚鳧。
清風坐蒲邊隅地，夷落全歸漢。

版圖

修明詩

自矜容色比脩明薄命誰知負此生鄭曲舊綠
垂小玉瑤池新宴名飛瓊綠窓夜月寒丹枕綺
閣春苔上紫笙留得樓前雙燕子呢喃猶作斷
腸聲

總帳塵生鏡隱輝香魂應北蝶孤飛
窺宋玉名猶在筆寫崔徽貌已非
漫憶丹青歌子夜尚疑羅袖拂臣衣
桃花人面空相似歲歲春風半

掩扉

送吳光卿令柳城

嶺嶠西行路渺漭心閒頻取匣琴彈山連象郡
穿雲出水到龍江繞縣寒鳬影雙飛新謁帝
徭丁群聚早輸官下車謾補虞衡志先向羅池
薦荔丹

登黃崎鎮城樓次弭間韻

日暮鴉啼古堞樓亂峰如黛出城頭僧鐘彷彿
聞梨嶺漁火依微見荻洲潮到海門奔白馬灘

迴石峽響黃牛憑高縱目遙天外無際滄波月影流

游雙巖寺

有王梅溪碑版尚存

雲邊名利紀唐年辛苦披秦到絕巔老樹千頭蒼蔽日古巖雙髻翠含烟神鍾隱見皆成妄仙梵依微總是禪欲和梅溪當日句摩挲木闕尚依然

周茂實賈 大行皇帝哀詔至長溪寓真

慶觀同過陳玄元道士園中看菊

奉使韓陽捧白麻藝壇年少擅聲華偶過太乙
真人宅如入柴桑處士家湛露微沾香縹緲夕
陽斜照影交加相歡握手東籬下勝看玄都觀
裡花

送張粵肱還武林因游國學

故山烟月憶南屏疋馬西歸不暫停麟向皇家
新結網鯉於官署輟趨庭長溪回首連雲白高
嶺當胸入漢青年少詞華看接武韋賢世業有
通經

同郭時序劉薦叔繆醇之宿五峰寺

萬山歷過少人蹤
寂寂禪扉對五峰
晚食薄醕田舍酒
夜眠寒聽石樓鐘
繩床數尺皆雲氣
古澗千迴盡玉淙
夢到梅花清不寐
啟窓霜月挂高松

游靈岩寺

寶剎莊嚴盛故唐
年深金地漸消亡
松杉雷靄環靈谷
禾黍離離拂敗廊
鼎鼎獨眠林際月
迦陵寒咽嶺頭霜
欲尋補闕遺踪遠
時見吟魂出

草堂

薛補闕讀書于靈谷草堂卽在寺中今祀焉

白泉坡謁薛補闕墓

冷落青宮侍從官
一是飯澁罷晨餐
桑榆醉日還鄉煖
松栝號風繞隧寒
把釣廉溪波影淨
霖鈴蜀道雨聲寒
我來下馬尋荒塚
無數穹碑拂鮮看

張令君新勅三賢祠祀唐薛令之宋鄭虎臣謝翱有作

唐陵宋寢總荒丘
海國三賢廟祀留
松桂偶嘲

明主舌木棉偏斬佞臣頭信公死國魂何在義
士登臺哭未休精爽不湮同享食蘋香從此薦
千秋

次韻留別陳季周

韓陽兩度訪心知踏盡名山探盡竒半點藜光
吹火夜一尊桑落擁爐肯馬蹄欲去應難繫雞
黍重來未可期回首白雲迷望眼思君愁見影
離離

福安志成將歸三山陳二石以詩見贈次

韻爲別

六義出來入室難說詩今始得毛韓賢書爾必
能先薦秘典誰云定不刊百辟古巖稽宋帝孤
墳補闕謁唐官歲殘獨客懷歸切庶下何心賃
伯鸞

宿興慶寺

停車投宿古禪林樹色蒼蒼起夕陰僧住寶坊
經臘久佛銷金粉歷年深石廊閒步支藤杖木
榻孤眠擁楮衾雲鎖松關山犬吠上方鐘磬夜

沉沉

宿華嚴庄

未到天冠古道場中途先憇舊鄰庄
龍潭百尺墜殘霧鷲嶺千重掛夕陽
過客經行停杖屨老僧勤苦課耕桑
雲房一榻還堪借靜聽寒鍾夜扣霜

宿鳳山寺

寶樹週遭氣鬱葱玉書名額表咸通
山張鳳翅頻高翥殿敞輦飛故大雄
雲斂聖燈輝上界月

明仙樂響遙空闕南在在鋪金地第一莊嚴是
此中

游霍童山

絕磴紆迴幾百重挿天遙認兩童峰斷巖伏似
從風虎倒樹蟠如出洞龍落葉盡迷行客路亂
雲頻隔野樵蹤竹枝偶拂棋聲響彷彿仙人石
上逢

宿支提寺

山路重重繡古苔萬峰迴合寺門開玉函盡出

中宮賜鐵像都浮大海來說法巖前留片石晒
衣雲際聳高臺夜深忽見金燈過菩薩西方應
供回

紫芝淨室贈大安上人

麋鹿心情野鶴踪結庵偏傍紫芝峰衲衣每緝
林間葉僧臘應齊壑上松曉陟巖巒扶短策夜
持經咒扣孤鐘安禪隔絕人間世身在烟雲第
一重

金燈淨室贈安和上人爲天恩法師宗派

曾侍先師說法壇金燈才向此宵看半爐香施
神情逸萬壑烟雲夢寐寒榻借苾芻眠雪扇殿
羅菩薩禮天冠宗風未泯禪支在莫道三生證
果難

鶴林廢宮

霍童山麓舊名村古觀荒蕪跡尚存有客跨驢
尋斗殿誰人騎鶴覲天門瑤壇久闕春苔色石
柱空留劫火痕海水桑田容易變桃花開處認
仙源

泰昌庚申除夕

鳳曆翻殘節序遷紀元更始泰昌年又看鬱壘
新粘戶堪歎義和快着鞭松栢歲寒彫在後屠
蘇香煖酌誰先深慚口腹煩安邑卒歲平分月
俸錢

黿峰集卷之二十一終